

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", br. 7/05), i člana 37. Statuta Općine Novi Grad Sarajevo ("Službene novine Kantona Sarajevo", br. 30/09 - Prečišćeni tekst), Općinski načelnik, dana 09.12.2014. godine, verifikovao je i donio

ODLUKU

O KOREKCIJI REGULACIONOG PLANA "BUČA POTOK II"

Član 1.

Utvrđuje se Korekcija Regulacionog plana "Buča Potok II" ("Službene novine Kantona Sarajevo", broj 48/13), u daljem tekstu: Korekcija Plana.

Član 2.

Korekcijom Plana utvrđeni su planski preduvjeti za legalizaciju stambenog objekta na vlasničkoj parceli označenoj kao k.č. dio 510/1 K.O. Dolac, Općina Novi Grad Sarajevo, u ulici Muvedina Ramovića do broja 19 (grafički prilog br. 2 - korekcija plana), pod sljedećim urbanističko tehničkim uslovima:

- zadržava se odnosno legalizuje izgrađeni individualni stambeni objekat na vlasničkoj parceli označenoj kao k.č. dio 510/1 K.O. Dolac, Općina Novi Grad Sarajevo,
- horizontalni gabariti izgrađenog objekta 9,0 m x 8,0 m,
- spratnost izgrađenog objekta S+P+Pt.,
- prilaz izgrađenom objektu iz ulice Muvedina Ramovića.

Član 3.

Korekcijom Plana zadržava se rekonstrukcija postojeće saobraćajnice Muvedina Ramovića u širini od 4,5 m (grafički prilog br. 2. - korekcija plana).

Član 4.

Korekcijom plana na objektima izgrađenim na parceli k.č. dio br. 572 KO Dolac i parceli k.č. br. 505/2 KO Dolac "briše" se oznaka za djelomično rušenje (grafički prilog br. 2. - korekcija plana).

Član 5.

Korekcija Plana sastoji se iz tekstualnog dijela i grafičkog priloga sa prikazanom građevinskom linijom stambenog objekta koji se legalizuje i rekonstruisane postojeće ulice M. Ramovića. Tekstualni dio i grafički prilog korekcije Plana su sastavni dio Regulacionog plana "Buča Potok II" ("Službene novine Kantona Sarajevo", broj 48/13).

Član 6.

Korekcija Plana je rađena za fazu urbanizma i saobraćaja, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Buča Potok II", te da pribavi saglasnost nadležnih javnih komunalnih preduzeća.

Član 7.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Novi Grad Sarajevo, Zavoda za planiranje razvoja Kantona Sarajevo, Ministarstva prostornog uređenja i zaštite okoliša Kantona Sarajevo i Gradske uprave Grada Sarajeva - Službe za urbano planiranje i stambene poslove.

Član 8.

Ova Odluka stupa na snagu narednog dana od dana objavljivanja na oglasnoj ploči Općine Novi Grad Sarajevo, a naknadno će se objaviti u "Službenim novinama Kantona Sarajevo".

Broj 02-05-17463/14-7
09. decembra 2014. godine

Općinski načelnik
Mr. Semir Efendić, s. r.

